



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

§. Per frontis.

[urn:nbn:de:hbz:466:1-62559](#)

quæ in capite fieri solet ex antiquissima traditione. Quamuis Orientales tali cæremonia in consecratione suorum Episcoporum vti non soleant. Hoc intellecto, mandat Innoc. III. omissam cæremoniā suppleri, & dictum Episcopum ab Episcopo Albañensi, afflentibus ei duobus alijs Episcopis (sicuti mos Ecclesiasticus requirit,) in manibus & capite sacro chrismate inungī.

NOTANDVM Vn. Si cæremoniae, etiam accidentales, seu ad substantiam Sacramenti non pertinente, omissæ fuerunt, postea suppleri debent. Vide quæ dixi lib. 5. Theol. moral. tr. 2. c. 8. num. 10.

S. Scire.

DVplex est vncio, Vna interior & inuisibilis, per Spiritum sanctum. Altera exterior & visibilis, quæ est signum interioris. Ipsa autem interior vncio non tantum est significatum, sed etiam res Sacramenti. Ad exteriorem vunctionem benedicitur oleum, quod duplex est, Catechumenorum, & Infirmorum. Conficitur etiam chrisma ex oleo & balsamo, idque mystica ratione, quia per oleum nitor conscientiae, per balsamum odor bonæ famæ significatur. Et hoc chrismate vngitur Episcopus in capite, & in manibus: in manibus quidem ad significandam potestatem consecrandi & benedicendi, in capite vero ad significandam supremam Episcopalis ordinis potestatem. Presbyter autem cum consecratur, in manibus vngitur oleo benedicto simplici, vti Hostiensis hic docet, n. 3. & Gl. in c. præterea 12. d. 23. Videri etiam potest Durandus lib. 1. rationalis, cap. 8.

S. Vnde.

REges quoque, Principes populi, inungi solet, aliter tamen, quam Episcopi, seu primi Sacerdotes: Nam hi in capite vnguntur chrismate; Reges autem in brachio oleo simplici.

S. Quia vero.

QVia Christus sanguinis sui effusione. Delibus omnibus præmeruit, vt accepta Spiritus sancti gratia, quodammodo Sacerdotes sint, ex corde puro orationum sacrificia ipsi offerentes, secundum illud S. Petri epist. 1. c. 2. *Vos estis genus electum, regale sacerdotium;* ideo in nouo testamento omnes Christiani vnguntur, bis ante baptismum oleo benedicto, videlicet in pectore, & in scapulis, & bis post baptismum, chrismate sancto, videlicet in vertice; & postea in fronte, cum confirmantur.

S. Per frontis.

CHrismatiōne frontis manus impositio designatur, quæ alio nomine Confirmationē dicitur; quia per eam Spiritus sancti robur & augmentum confertur. Quamobrem hanc chrismatiōnem solus Episcopus seu summus Sacerdos conferre potest, vti ex Actis Apostolorum, cap. 8. colligimus, alia autem vunctiones ab alijs etiam simplicibus Sacerdotibus ministrantur.

S. Vngitur.

Sed & altare, ecclesia, atque calices, cum consecrantur, inungi solet, secundum morem ecclesiasticum, quem ex S. Sylvestro Papa accepimus, qui altare lapideum consecrans illud chrismate vngebat. Neque propterea iudaizat Ecclesia tales vunctiones adhibendo, sicuti imperiti aliqui obiecerunt. Nam Iudei vunctiones per figuram, & significatiōnem gratiae futuræ exercebant: Nos autem in veritate, & secundum significatiōnem gratiae presentis.

S. Licet.

ROmanus Pontifex baculo pastorali non vtitur, sicuti alij Episcopi, & Praelati. Idque tum propter historiam, tum propter mysti-